



PREZIDÊNCIA KONSELLU MINISTRUS

VI GOVERNUN KONSTITUSIONÁL

DÍLI, LORON 12 FULAN-OUTUBRU TINAN 2015

KOMUNIKADU IMPRENSA

Sorumutuk Estraordináriu Konsellu Ministrus nian iha loron 12 fulan-outubru tinan 2015

Konsellu Ministrus hala'o sorumutuk iha segunda ne'e, loron 12 fulan-outubru tinan 2015, iha sala sorumutuk Konsellu Ministrus nian, iha Palásiu Governu, iha Dili, no aprova ona:

1. Rezolusaun Governu nian Renova Mandatu Prezidente Konsellu Administrasaun TIMOR-GAP, E.P nian.

Tuir Dekretu-Lei n.º 6/2015, loron 11 fulan-marsu, Konsellu Ministrus aprova ona renovasau mandatu Sr. Fransisco da Costa Monteiro nian, hanesan Prezidente Konsellu Administrasaun no Prezidente Diresau Ezeutiva TIMOR GAP, E.P. nian, ba mandatu foun ida ho durasau tinan haat.

TIMOR GAP, EP mak empreza nasional mina-rai Timor-Leste nian ida, ne'ebé harii iha tinan 2011, ho objetivu, hanesan representante Governu nian, atu hala'o negósiu iha setór Mina-rai no Gás nian.

2. Rekomendasaun atu prolonga Señor Xefe Estadu Maiór Jenerál no Vise-Xefe Estadu Majór Jenerál F-FDTL nian

Bazeia ba Dekretu-Lei n.º 7/2014 fulan-marsu – Estatutu Militar F-FDTL nian – Konsellu Ministrus aprova ona Rekomendasaun atu renova fali mandatu Xefe Estadu Maiór Jenerál F-FDTL, Majór-Jenerál Lere Anan Timur (Tito da Costa Cristovão), no Vise-Xefe Estadu Majór Jenerál F-FDTL, Brigadeiru-Jenerál Filomeno Paixão de Jesus.



Palácio do Governo,
Avenida Presidente Nicolau Lobato,
Dili, Timor-Leste

pcm.gov.tl@gmail.com
(+670) 33 310 608

Konsellu Ministrus analiza mós:

1. Proposta Orsamentu Jerál Estadu tinan 2016

Governu halo análize dahuluk ida kona-ba projetu lei Orsamentu Jerál Estadu (OJE) ba tinan 2016, ne'ebé mak inklui reseita no despeza sira hotu no kobre período entre loron 1 fulan-janeiru no loron 31 fulan-dezemburu tinan 2016 nian.

2. Apresentasaun kona-ba programa Komemorasaun tinan 500 no Afirmasaun Identidade Timor nian

Ministru Administrasaun Estatál, hodi komisaun organizadora komemorasaun ninia naran, apresenta ona ba Konsellu Ministrus orsamentu ba programa atividade sira nian atubele hetan apresiasaun. Atividade sira ne'e dezenvolve hela tuir abordajem istória, kultura no intelektuál ida, ne'ebé foka liu ba papél igreja katólíka nian iha istória Timor-Leste nian.



Palácio do Governo,
Avenida Presidente Nicolau Lobato,
Dili, Timor-Leste

pcm.gov.tl@gmail.com
(+670) 33 310 608